


**“Ўзбекистон Республикасининг Маъмурий жавобгарлик тўғрисидаги кодексига ўзгартириш
ва қўшимчалар киритиш тўғрисида”ги Қонуни лойиҳасига
ТАҚҚОСЛАШ ЖАДВАЛИ**

Амалдаги таҳрир	Таклиф этилаётган таҳрир	Асос
Ўзбекистон Республикасининг Маъмурий жавобгарлик тўғрисидаги кодекси		
<p style="text-align: center;">Тўлдирилмоқда</p>	<p>175⁷-модда. Давлат харидлари тўғрисидаги қонун ҳужжатларини бузиш</p> <p>Давлат харидлари режаларини, шу жумладан режа-жадвалларини шакллантириш ва жойлаштириш тартиби бўйича қонун ҳужжатлари талабларига риоя этмаслик, шунингдек, давлат харидлари тўғрисидаги қонунчиликда назарда тутилган ҳолларда давлат харидларини амалга оширишда махсус ахборот порталига давлат харидлари бўйича эълонлар жойлаштириш тартибини, мажбурий муҳокама ўтказиш тартиби ва муддатларини бузиш ҳамда давлат хариди натижаларини жойлаштириш муддатларини бузиш, –</p> <p>мансабдор шахсларга базавий ҳисоблаш миқдорининг ўн беш бараваридан йигирма беш бараваригача миқдорда жарима солишга сабаб бўлади.</p> <p>Давлат харидлари бўйича эълонлар ва харид ҳужжатларига қонунчиликда тақиқланган ва рақобатни чекловчи маълумот, ҳаволалар ва талабларнинг киритилиши, харид ҳужжатларини тасдиқлаш ва буюртмаларни шакллантириш тартибларини бузиш, –</p> <p>мансабдор шахсларга базавий ҳисоблаш миқдорининг йигирма беш бараваридан эллик бараваригача миқдорда жарима солишга сабаб бўлади.</p> <p>Товар, иш ва хизматлар етказиб берувчиларини тендер ўтказиш йўли билан аниқлаш талабини бузиш, шунингдек, давлат харидлари тўғрисидаги қонунчиликка мувофиқ товарлар етказиб берувчиси, иш бажарувчи ва хизмат кўрсатувчини рақобатли харид усули орқали</p>	<p>Давлат харидлари тўғрисидаги қонун ҳужжатларини бузганлик учун жавобгарлик белгиланмаганлиги соҳада турли хил суиистеъмолчиликларга олиб келади.</p> <p>Давлат харидлари тўғрисидаги қонун ҳужжатларини бузганлик учун жавобгарликни белгилаш мақсадида давлат харидлари субъектлари ва уларнинг мансабдор шахслари ушбу Қонун ва бошқа қонун ҳужжатларига мувофиқ давлат харидлари тўғрисидаги қонун ҳужжатларига риоя этиши ва шартнома бўйича мажбуриятлар талаб даражасида бажарилиши учун Ўзбекистон Республикасининг Маъмурий жавобгарлик тўғрисидаги кодексига тегишли нормалар киритилмоқда.</p> <p>Ушбу норманинг киритилиши Коррупцияга қарши курашиш бўйича Истанбул ҳаракатлар режасининг 4-раунд мониторинги бўйича Иқтисодий ҳамкорлик ва тараққиёт ташкилотининг 28-сонли тавсиясига тўла мос келади.</p> <p>Мазкур жавобгарликнинг киритилиши оқибатида Давлат харидлари субъектларининг масъулиятини ошириш, маблағларнинг мақсадли ва самарали сарфланишини таъминлашга эришилади.</p> <p>Россия, Қозоғистон, Грузия, Молдова ва бир қатор бошқа хорижий мамлакатларда давлат харидлари тўғрисидаги қонун ҳужжатларини бузганлик учун ушбу мамлакатларнинг маъмурий жавобгарлик тўғрисидаги кодексларида жавобгарлик белгиланган.</p> <p>Ўзбекистон Республикасининг “Давлат</p>

Амалдаги тахрир	Таклиф этилаётган тахрир	Асос
<p>Тўлдирилмоқда</p>	<p>аниқлаш белгиланган ҳолларда давлат харидларини ягона етказиб берувчидан ёки тўғридан-тўғри шартномалар асосида амалга ошириш тўғрисида қарор қабул қилиш, –</p> <p>мансабдор шахсларга базавий ҳисоблаш миқдорининг эллик бараваридан юз бараваригача миқдорда жарима солишга сабаб бўлади.</p> <p>Давлат харидлари жараёнида аффилланганлик ва манфаатлар тўқнашуви ҳақида давлат харидлари соҳасидаги қонун ҳужжатларида белгиланган тартибда хабар бермаслик, шунингдек, Давлат харидлари соҳасидаги қонун ҳужжатларида назарда тутилмаган ҳолларда давлат харидлари бўйича таклифларни қабул қилмаслик ёки таклифларни тақдим этиш муддатларини давлат харидлари қонун ҳужжатлари талаблари зид равишда қисқартириш, шунингдек, таклифлар солинган конвертларни очиш ва харид ҳужжатларида кўрсатилган таклифларни баҳолаш тартибини бузиш, –</p> <p>мансабдор шахсларга базавий ҳисоблаш миқдорининг эллик бараваридан юз бараваригача миқдорда жарима солишга сабаб бўлади.</p>	<p>харидлари тўғрисида”ги Қонуни лойиҳасининг 14, 19, 28, 30, 45, 49, 50, 52, 53, 57, 59, 60, 61, 63, 65, 67, 68, 70-моддаларида Ўзбекистон Республикасининг Маъмурий жавобгарлик тўғрисидаги кодексига киритилаётган талаблар белгиланган.</p>
<p>245¹-модда. Иқтисодий судлар</p> <p>Иқтисодий судлар иқтисодий низоларни ҳал этиш чоғида маъмурий ҳуқуқбузарликлар аниқланган ҳолларда ушбу Кодекс 175-моддасининг учинчи қисмида, 176¹, 180 ва 181-моддаларида назарда тутилган маъмурий ҳуқуқбузарликлар тўғрисидаги ишларни кўриб чиқади.</p>	<p>245¹-модда. Иқтисодий судлар</p> <p>Иқтисодий судлар иқтисодий низоларни ҳал этиш чоғида маъмурий ҳуқуқбузарликлар аниқланган ҳолларда ушбу Кодекс 175-моддасининг учинчи қисмида, 175⁷, 176¹, 180 ва 181-моддаларида назарда тутилган маъмурий ҳуқуқбузарликлар тўғрисидаги ишларни кўриб чиқади.</p>	<p>Ўзбекистон Республикасининг Маъмурий жавобгарлик тўғрисидаги кодекс 175⁷-модда (Давлат харидлари тўғрисидаги қонун ҳужжатларини бузиш) билан тўлдирилиши муносабати билан ўзгартириш киритилмоқда.</p>
<p>264¹-модда. Ўзбекистон Республикаси Молия вазирлигининг</p> <p>Ушбу Кодекснинг 175²-моддасида назарда тутилган ҳуқуқбузарликлар аниқланган тақдирда, Ўзбекистон Республикаси Молия вазирлигининг Давлат молиявий назорати органларининг мансабдор шахслари маъмурий ҳуқуқбузарлик тўғрисида баённома тузади.</p>	<p>264¹-модда. Ўзбекистон Республикаси Молия вазирлигининг</p> <p>Ушбу Кодекснинг 175² ва 175⁷-моддаларида назарда тутилган ҳуқуқбузарликлар аниқланган тақдирда, Ўзбекистон Республикаси Молия вазирлигининг Давлат молиявий назорати органларининг мансабдор шахслари маъмурий</p>	<p>Ўзбекистон Республикасининг Маъмурий жавобгарлик тўғрисидаги кодекс 175⁷-модда (Давлат харидлари тўғрисидаги қонун ҳужжатларини бузиш) билан тўлдирилиши муносабати билан ўзгартириш киритилмоқда.</p>

Амалдаги таҳрир	Таклиф этилаётган таҳрир	Асос
Маъмурий ҳуқуқбузарлик тўғрисидаги баённома ушбу Кодекснинг 282-моддасида белгиланган тартибда судга кўриб чиқиш учун юборилади.	хуқуқбузарлик тўғрисида баённома тузади. Маъмурий ҳуқуқбузарлик тўғрисидаги баённома ушбу Кодекснинг 282-моддасида белгиланган тартибда судга кўриб чиқиш учун юборилади.	

Макроиктисодий таҳлил, таркибий ўзгартиришлар, молия-банк тизими,
давлат активларини бошқариш, рақобатни ривожлантириш,
тадбиркорликни қўллаб-қувватлаш ва камбағалликни қисқартириш
масалалари котибияти мудир

 А.Жамалов

Юридик таъминлаш бошқармаси бошлиғи

 Д.Каландаров



